

## Cegerxwîn

### Welatê min

Welatê min bihişt e kaniya zêr  
Belê şêr tê de birçî ne, gur in têr  
Kurên Guhderz û Rustem lê perîşan  
Di bin destê neyaran têne ber kêr  
Nezanî û nexwendin, em birin paş  
Ji dexsa yek ji wan carek nebû şêr  
Ji dijmin re bi carek dost û bindest  
Ji hev re pehlewan û şerker û mêr  
Dibênin xelk di ser hewran ve çûne  
Niha jî hê newêrin bêne bajêr  
Hemî millet bi berjor ve dibazin  
Tenê kurdan bi korî dane serjêr  
Bi destê dijminan tang û firokan  
Di destê wan de xişt û tetri û bêr  
Hemî dinya ji cengê re li kar in  
Tenê beyhûde mane em xwedî xêr  
Eva rî bûye bost û turk nebûn dost  
Ji bîr naçin, ne gorn û ne serê mêr  
Belê tarîxê va roja me anî  
Bi hev re serbilnd rabin bidin dêr  
Binêrin xwendevan çawa bilnd in  
Li alîkî me mizgeft û yekî dêr